



月當樓詩稿卷之八

無為季孟蓮叔房著

石首夏雲鼎四雲

同里後學汪有典訂頑重訂



詞

春思 滿庭芳

小雨新晴薄羅將試畫橋平水樓臺乳紅雛綠日  
夜煖相催欲把重簾低下隔牆畔花氣難圍乍添  
這一番風景真個惱人哉 佳人應念我花前酒

後無限情懷奈蠻牋景字有去無來若問相思兩  
地都管是一樣春回斷魂處晚風啼鴉白：使人  
哀

秋思 昭君怨

檻竹風敲森玉秋隱屏山低綠露冷濕簾旌草蟲  
驚 暮雨天將黑屋角蛛絲如織獨坐掩重門已  
黃昏

秋懷 驀山溪

殘書山積滿架篩塵雨打疊復何心仍欲拋之無

置處爲茲懊恨歌案忽成眠夢一客拉肩語：竟  
開門去 起來四顧天際孤雲舉何處響村春雞  
犬人烟聚殘黍桑灣日墜忽憶是重陽趨煮酒看  
紅樹詩句明朝補

秋思 御街行

深秋極目憑樓獨暮雨濕闌干曲初來雙鴈去無  
聲山盡平蕪江綠想人遙在輕陰天氣消瘦如修  
竹 文園病減腰圍玉菊抱蕊酒將熟閒翻詩句  
沒心情悶檢烏絲重讀當初言語後來行徑愁作

風前燭

又

蘭舟鏡裏芙蓉渡忙打發人先去滿身都是口能  
言難訴出傷心句無端愁恠問他何事直是渾無  
語 平波遠送愁來暮一棹晚輕雲注梧桐連夜  
雨和風幾箇鴈聲悽楚未消春恨又添秋夢孤角  
霜天曙

春情

滿江紅

燕子何時啣去了舊年人約乍可的慳：春睡東

風不惡夜雨忽添窓外草曉晴亂惹樓頭鵲這天  
付一段好相思何曾學而今事當初錯別時淚  
空流落怕歸來重問有詞難卻天遠夢隨驄馬倦  
晝長人懶風箏弱望河橋萬柳織黃烟愁遮幕

寄朱子微客金陵

八聲甘州

禁烟時新煖一番增單衣已卻綿忽風雷飄疾飛  
花和雨一派紅泉病眼詩人無賴鳥語笑流年行  
客多時倦何事猶眠 傳說群雄射策詔遠城虜  
急舉子留燕問書生膽氣誰勒繞朝鞭算功名平

戎萬里非范韓富岳亦徒然春遊好有歸山約勿  
待聞鶻

又臨江仙

江離一帶思公子小姑誰遣無郎霞衣閃颺雨雲  
香月輪移處仙路近迴廊碧落原無凡客分此  
身知異尋常還拈鳳紙寫瑤章世間才子從此廢  
高堂

又鴈鵠天

北渚灣、帝子居危樓相望目成初花鶯舞日驚

簾蒜杏粉吹紅蝕印朱天熱、雨疎、夜涼起  
共轉堦除雲屏枕簟風帷燭記得通宵話也無

又長相思

一秋晴斂殘粳早滌山塲一入城天陰菜子生  
木飄零夜蟾清笑語聲、過隔林橋頭到故人

春詞望海潮

櫻桃欲暖芭蕉愛日柳梢風老鵝黃眼底天涯眉  
間心上春光恁解相妨新燕一雙、問歸來冒雨  
直為蒼忙一段黃昏隨他帶上紗窓多情病酒

誰行任風流腸肚愛作情郎薄幸怎生英雄端的  
等閒誤了吳娘空令憶難忘恨燈花負夜月色欺  
廊夢斷梨雲峭寒風起五更長

閒情

鵲橋仙

微醺生暈嬌羞浮赤妬卻痴朱駃粉天教生共玉  
樓春應不負朝眠夜飲絳銷蠟鳳金霏屏鵲酒  
汁澆淋心錦武陵桃許再來紅誰實道神仙薄倖

秋思

蘭陵王

正佳景三五蟾光似鏡天公妬風雨齊來窈窕窓

紗隻愁影平生偏僻甚怕累閒思別恨藍橋路珍  
重幾番不料息情等閒盡當初悔輕信為氣韻  
可憐風味堪近浮花浪蕊原無定算到底留戀從  
頭期望千迴都是沒究竟前事悶難省獸坐對  
燈暈念易老年光暗移情境潘郎消減容和髮問  
何事當面使人冰冷梧葉疎黃覆露井斷素綆

題月當樓

醉蓬萊

岳陽之曠蕩黃鶴之竒卓乎千古鳳翥鯨迴吾樓  
與之俱嫵玉水交流閩風雙倚凌楚天飛步玉琴

懷鉛青蓮閣筆有難題處 最是神仙人為伴侶  
衣剪朱霞齒嚼紅霧欬唾隨風碎聯珠編露月殿  
宵長星橋會永共譜霓裳序塵不梯霄俗空傳性  
望崖都去

又

水調歌頭

埃表建虛渺味外嚼孤清世間好地行者一過便  
生塵環珮飛來未穩猿鶴翔呼失睡拔地倚天津  
此處無人到與汝一同行 歌冰奩眺玉界掇朱  
英高寒飽沁風骨碧落侍郎身左挹浮丘頂禿右  
鳴

其二

人事難於滿造物妬其全飛昇不辭眷屬佛亦重  
因緣難得異書堪寶又與異人同讀名姓著丹編  
九醞葡萄味不及此濃鮮 笑癡儒憐才鬼訝頑  
僊最高樓上卧起看劍倚青天偶爾援琴揮手恰  
又飛鴻送目此易彼非難適意無不可鐘鼎炙人  
羶

寄朱攷之納姬金陵

水龍吟

秦淮佳麗無窮直今何事稱竒快興亡滿目風流  
如故鐘情千載試起東山謝公九原酒酣相對恠  
乘鸞騎鳳離群索伴人間恨無能再 草々功名  
成敗問中原鹿依然在有等身金且須買盡淺深  
眉黛龍合延平馬空薊北下東君拜笑湖南情痴  
杜牧十年留帶

閒情

虞美人

新愁舊怨何時了將就安排好夜來月色桂香多

何意閒行偏自又逢他 歸時月暗梧陰碧討過  
沉々黑可堪前事上心頭一夜桃花春雨漲江流  
小築初成有朱白榆先生爲之銘旣復自詠

念奴嬌

西山爽氣落城隅天許破苔成院筑客狗徒爭把  
臂且說容身非幻輞水皈僧半山表寺都作維摩  
顛臣門如水相尋剛有春燕 嘗恠王翦蕭何勲  
名蓋世嘖々求田苑功大謀身愁震主學得神龍  
隱現來者焉知古人深意恁地愁貧賤連雲甲第



箇中寧少寒儉

又 金菊對芙蓉

作者求工後人笑拙乾坤聊寄高齋憶 未減  
安問家哉布袍不用憂天墜論閒身寧惜山頽琴  
橫珠柱酒延紅友書裒玉杯 風流地主難借宋  
玉離騷徑庾信重來算浮家泛宅猶費安排風波  
平地堪沉陸公師董郢匠繩材穿鯢魚沼植醯雞  
柵造野馬臺

又 江神子

洛陽市上白羊車意何如女中無誰信天工琢出  
玉肌膚教把紅衫來拭汗渾不怕雪融酥 西園  
飛蓋敵雙珠執金吾佩緋魚見說赤松傳有駐顏  
書便好相將求辟穀亦不費苦工夫

其二

衣香不是舊薰爐六霞珠剪裁初我自看君閨閣  
意踟躕縱使娉婷無翰墨也直合對流蘇 行、  
顧、影徐、出通都壓名儒恠得琴心先自絆相  
如麗髮亂頭俱自可誰不願得為夫

其三

口啣明月噴芙蓉此仙容豈徒紅便作世間奇醜  
恠兒童眼紫電光鬚奮戟寧互出莫雷同 薰衣  
剃面學顰工此流風煞愁儂無故潜然老婢憶司  
空饒使將軍冠帶好渾不似敢誣公

咏茉莉花

蝶戀花

綠篠池亭清雨墜菡萏嫣然我獨慚其媚浴罷蘭  
湯彈玉佩越裳偶隋思鄉淚 薄暮涼生公欲醉  
我輩商量齊展冰綃袂皓齒嚼芬吹不寐月魂欲

着驚風脆

西湖

鷓鴣天

膩玉圍邊咽軟絲倩誰行急倩誰遲分明兩個無  
情事卻被澄波照見之 還貼妥又參差鵝鵲屬  
玉絕人癡相思不掛湖山恨雲水何因亦皺眉

其二

漁父商量及晚歸讓 he 十頃漲烟扉晶函漢碧風  
漪貼濕帶潮痕凍玉飛 天上有世間稀地中那  
得月輪移爭知牕底嵐光合倒影山河孰是非

其三

咫尺谿山作卧遊鏡中無碍是眠鷗不愁南渡車  
忘返唯恨西湖水欠流湖由陂障得成林懼別壑逃鈿謝  
靈運死在雕鏤不然移置杭州甌鑿入錢塘浪則  
休

其四

雨後松巔墜綠泉穀文之水画橈穿但憐巒嶂相  
迴處便有樓臺向此間歌窈窕舞鸞環朱輪皂  
盖擁來慳直須韻士經吟眺蘇小從教亦破顏

其五

無奈情牽物累何詩人容易老婆娑芰荷若為遮  
衣袂鳧鴈何曾識網羅吾試舞女當歌六橋邊  
有晚涼過非關酒汁清如水湖水濃於酒更多

慶壽

洞中仙

金飈素昊莽澄空羽翼一時高潔綽約恠來姑射  
子爽颯瓊崖冰雪寶鴨烘旃白螺盛醞鶴舞琴三  
疊猢猻藤杖不須支此飛骨曾記天上吹簫翩  
翩霞舉一輩稱竒絕我道千年雙比翼寧論蒼顏

華髮麟管生花龍光吐劍彩鳳毛擒血蟾蜍玉水  
丹經閒洒清冽

又沁園春

有一醉翁霞氍星冠翩其遲來把連鰲鉤餌蕩搖  
山海刻鯨桐杖搏激風雷天與玄心神呵秘笈寶  
氣常干北斗迴秋清處對冰壺月魄起舞徘徊  
廠門剪取蒿萊有松桂笙竽佐酒壘看木公金母  
鬢髮髯髮珠昆玉季皞軼塵埃指下烟霆篋中雲  
錦任取天孫為品裁千秋事惟圮橋相遇勿浪余

猜

友人會考作又使子弟為卿題僕研思至暮  
不就隻字時案有史邦卿花落池臺靜賀  
新郎詞五首因用其格句填為兩調呈之

一坐絕倒賀新郎

西北湖沙冥射天狼帝車獨指芒寒色正道是蒼  
生安堵福却貸鑿鑿頭領更容得貂蟬貪併壠上  
塵高遮望蜀歎側身日短途長恨千里馬死肥病  
功名不必輕賞蔭但幾人黃瓊清節釋之高論

要解根車和菽麥示我袖中金餅房杜聲名誰損  
愛子鷓鴣饒反哺忍一巢腐鼠群雛盡剡水上一  
竿冷

又

天挺中興子笑當年救飢生活鴻都門事奈我蔗  
漿嘗至尾直想聖明祖制容改作後朝葑市回首  
公孤霄漢裏若徐行緩步安能俟責袁劉免寒士  
仲華苦受多兒累使人買一官不勝人精一藝  
吾勅吾兒牢鑄鑰飽爾鑽核桃李一樣朝廷金紫

縱使沐猴而冠帶亦翩、着實稱佳矣須識字徒  
誑爾

同吳朗人登金山妙高臺

木蘭花慢

長風鞭海喘倏吞吐一螺浮恠唇裂天門倩茲寸  
舌一抵燕喉髻鬢聳簪笏銳點江心樓影四圍周  
劈浪如飛來者巍然可信滕不

朗人入潤州城以後至

金鰲

插角欲昂頭向邇泛全身更驪漱雨珠鼉翻潮沫  
其下推揉張公子君去後幾新詩千首勝封侯看  
定盤回鷹隼平沙落日瓜州

又

汀烟籠欲合驚鐵笛一聲風漸玉整冰輪皺勺江  
面表裏澄空浮屠撼欄榭駭兀波中何物見玲瓏  
早是開山祖鉢留教馴制魚龍無支祈頸脫鉗  
封聞復長奸雄又牛渚新姻龍門舊黨書蠟潛通  
審如此江湖上便此身歲晚且從容一鼎中冷松

梵半爨石洞霜鐘

時逆瑞為禍  
故章末云

詠惠山石泉

峭流

浩汗衆源入理泓然淵放松間石論風流蕤淡與

輕清相如致慕今猶渴金山小派假石城偽號莫  
支鐵甕城中敵看漱玉肝腸懸河口角俱注瀉吳  
人筆非山間相對話清冷恐四方傳貌每遺神幾  
箇當年陸季疵傾蓋稱相識嗟必爭者名撓之  
不濁應無訕劉伯藹何人居然奪我第一乞偃鼠  
殘涓井蠹末語世人據耳爭為食獨温太真數江  
東人士每相顧失色淄澠涇渭何者堪憑老杜  
謂得失寸心知是中滋味誰嘗得聞公門外客散  
便朝、沉醉好為我賡秋水一篇我願同公度日

宜城願渚同遊未必無解困忘憂力

又

答辛稼軒疑意用原韻 稼軒云趙昌父之祖季思學士退居鄭園有亭名魚計家叔文通為作古賦令昌父之弟成父子所居鑿池築亭榜以書名為成父作詩屬余賦哨遍莊周論于蟻棄知于魚得計于羊棄意其義美矣然上文論蟲托于豕而得焚羊肉為蟻所慕而致殘下文將併結二義乃獨置豕蟲不言而遽論魚其義無所從起又聞于羊蟻兩句之間使羊蟻之義離不相屬何耶其必有深意存焉後人未之曉耳或言蟻得水而死羊得水而病魚得水而活此最穿鑿不成意趣于嘗反覆尋繹終未能得意世必有能讀此書而了其義者他日儻見之而問焉故先識子疑于此詞云爾

池上主人、適忘魚、適還忘水、洋、乎翠藻  
清萍裏相魚、今無便於此、嘗試思莊周談兩事  
一明豕、一羊蟻、說蟻慕于羶、于蟻棄知、又說

於羊棄意甚、蝨焚于豕、獨忘之、却驟說於魚、為  
得計千古遺文、我不知言、以我非子、噫子固  
非魚、之為計子焉、知河水深且廣、風濤萬頃、  
堪依有網罟、如雲鶉鵠成陣、過而留泣、計應非  
其外海茫、下有龍伯饑時、一啖千里、更任公  
五十糖為餌、使海上人、厭腥味、以鷓鴣變化  
幾東遊入海、此計直以命為嬉、古來謬算狂圖  
五鼎烹死栢、為平地、嗟魚欲事遠遊、時請三思  
而行可矣

稼軒此詞疎宕縱辨特借豕豷起意予謂豕羊同群蟻豷同類  
明羊蟻則豕豷意不言自明此古人省文法不然將羊蟻豕豷  
四物並言義既無二而詞適堆疊老子云曲則全枉則直窪則  
盈敝則新云云至章末直繳古之所謂曲則全者豈虛言哉一  
句又如失道而後德失德而後仁失仁而後義失義而後禮接  
云禮者忠信之薄而亂之首可也却綴曰辨識者道之華而愚  
之始不說道德仁義而其義自在皆此類至於蟻棄知就宜  
說于羊棄意却又插一于魚得計于兩句中似乎割截文勢細  
味之乃知此一句原為聯合蟻羊兩句之妙蓋蟻棄知羊棄意  
兩忘而化恰是一魚忘水水忘魚的境界又插于兩句中使人  
知于魚得計乃客意而蟻羊兩義要須尋味于此句中若綴此  
句于羊棄意下便文勢不攢蓄又似于羊蟻外復詮一魚義  
矣孟子曰動容周旋中禮者盛德之至也就宜承以言語必信  
經德不回了却道首二句下插出哭死而哀非為生者兩句蓋  
哭死而哀出于自然而然此最可以形容堯舜之德出于天性  
不由勉強却又插在六句之中文甚狡義甚隱其于莊子于魚  
得計一句文意同也稼軒未必不諳此義文人  
弄筆借此一起詞鋒耳因步原韻一遙證焉

十七重言十九寓言揮灑銀潢水飄々乎出沒隨  
遊戲見莊周其妙如此君未聞整齊成故事不知  
豕豷視羊蟻說羊棄其羶蟻棄其知已不遺豕豷  
義又何煩疊床架屋以重之中撓一于魚為得計  
魚水兩忘棄義了然知言惟子 憶漏網吞舟蕩  
而失水事焉知乞活投竿者肯容升斗堪依睹航  
葦成群大槐傾國撫羊肉歎自今非算大海波臣  
滄桑一變誰逃暴骨千里既釜中縱鬣無須餌况  
自脫深淵思水味非鷗鵬變化魚固人所射如何



學得白龍嬉智愚同一愁軀我安逃此遊逍遙地  
蟻羊若不竟忘情一周徧成而已矣

孫相公破

破陣子

上谷連年鼓角北平一夜烽烟幾輩上方推轂去  
若個沙場奏凱旋中原鼻近羶不道將軍無武  
且看學士行邊玉帶袞衣談笑足金甲牙旗指點  
便前鋒縛左賢

又

節度上還招討車騎讓鎮揚州萬乘傳呼來犒勞

百里留連驛酒牛笳鳴饗士休背水陣頭絕坎  
受降城上高樓迥絕百僚相見禮寬盡君王北顧  
憂書生空白頭

又

塞上誰行捕掠軍中不得驅馳見一大人齊頓顙  
付幾兒郎遂克師都護日邊歸強弩號烟萬挺  
大旗至地三麾一掃撓捨還嶽秩看裂河山誓鼎  
司元和盛德詩

又

萬字軍書倚馬十尋假鉞驚鳶駐蹕營屯周勃柳  
入幕賓僚庾杲蓮三才相府兼 偵使回還不輟  
相公卧歆怡然一剪匈奴雙臂斷高枕君王曲膝  
眠功名琬琰鐫

又

百里連營生色三軍挾纊忘寒白豹金湯傳檄定  
青海黃河縱獵看函關恁一丸 國士死酬恩遇  
王師怒舉飛翰但使屯田閒射濶不絕呼韓數問  
安萬年天可汗

重九同吳朗人樓上賦

最高樓

長空氣結響亦何高樓畔更蕭騷無息可恃紈機  
練有徽不叶鬱輪袍笑年來連螯手又持螯 則  
誰與採來蘭變艾更誰與擲來金作塊聽造物弄  
兒曹四腮魚絮萼羹滑三江水洗蕨芽嬌况從來  
同志者趣偏饒

其二

懸崖木攢坐餓鳴鵬相向助寒號洋、河百川俱  
下蒼、天萬里而遙撫愁來湏更上一層高 甚

此地堪娛常繼足甚此會堪臨偏極目多情佛戀  
招邀慈悲曲轉三乘說狂奴還是一般豪看梧桐  
聞擊節一齊凋

其三

孤懷迥高處便忘歸不是歎斜暉溝渠算有容身  
地榆枋應挺怒飛枝孟叅軍陶縣令懶重題 我  
與我周旋誰可厭物與物推移誰可戀作長嘯欲  
何為爛斑秋氣風霜筆空青夜色水山微莫輕辜  
田祖健木奴肥

其四

籬邊菊無有拂雲柯畢竟志蹉跎函秦計拙忘從  
楚寰瀛圖渺識航河抹寒蕪磬一片鴈何多 殆  
未可已乎蟬自斷能以處此哉鷹自叛肯與物奈  
公何江潭漁父芙蓉柰雲中帝子玉蓀珂歌投壺  
聽山鬼夜深歌

朱仁度久不至里中昨至里中又不見過戲

為兩詞調之

歸潮歡

暑濕薰樓書帙透籬竹風生過猛獸山頭急雨下

頽沙南塘聒：鳴渾溜匡床消永晝驚傳拍手歡  
童幼邵先生出窩何往泥濘車音驟 別幾何時  
難邂逅壁上記詩看已舊間正好在虎止邊淵明  
空使中途候柴關風闔就安排魚鳥相思受種樹  
書增抄已畢可不題其後

又

其柰幽人情簡妙意到每多身不到子猷特待閉  
門留辟疆且博登車傲圓荷新展抱占沙鷗鷺分  
明鬧印香銷蒲團味轉客去主人覺 接檻水雲  
寬淼：好便自來君勿召醉中怕我攬長鬚到門  
不進催歸棹笛風飄遠嘯聞：社鼓山南廟滌壺  
觴農桑向晚未捲清溪釣

靈隱寺：對飛來山故名靈隱

水龍吟

湖喧遠隔龍宮俗僧絕處安高座地靈木瘦塵遙  
霞逼綠天無浣響隨松樵聲傳洞壑胎禽眠破對  
泉清石白無言相領有三兩幽人坐 不見巖阿  
桂子月明中空香時播古燈青迥禪龕髻黯詩仙  
曾卧樓際觀空江潮海日吐吞旋磨有閒身合悟

鷲峰小嶺是飛空唾

冷泉亭用韻飛來一山蓋倒影其中也

水龍吟

鷲峰欲印孤妍白虹納鑿開奩座瓊枝輭棹雪花  
晴灑肝腸無碗待濯冠纓還憐鏡底雲天皺破恰  
微風振木倒褰蒼樾枯枝裏定猿坐 滙竹粉溽  
松汁但輕陰溢涼芬播磷々作液涓々當枕蘧々  
為卧跨澗奔岕紆徐幾許雷蟠電磨孰推行是使  
如霧如珠雜而成唾

南塘清夏

望江南

潮地滑行徑隋梅肥蛺蝶雨中何處宿流鶯風裏  
不曾歸水市散斜暉 情不愜事與願交違脫下  
褚綿將去典鄰翁又假急春飢長物此生稀

又

愚併懶攻禁一身閒指爪着沙緣蠟屐嘴唇沾墨  
為描山此外欲何慳 忘我易使世我忘難茶事  
業休春後鬪飯功夫儘日中攤爐燼鷓鴣斑

又

簾不捲蓋影落桐圓午夢備嘗千萬險日陰纔過

兩三磚何以遣如年  
林壑遠猶納市廛喧生馬  
者牛無此事逐豬是狗有何嫌高咏石門泉

又

漁唱起風急散零腔白浪  
搖中渾濕枕綠陰濃處  
不開窓酒渴愛清江  
心闢解物已不攻降蓮發  
火中情自幻薑生樹上語  
奚啻試問廉門龐

又

梅雨過隱：聽雷收  
炙日午花相向暈凌波  
晚菱自家愁無際是滄洲  
千樹橘開國萬家侯  
徵起

白香山酒友赦還柳子厚書因此外與民休

鳳凰臺懷李太白

望江南

臺上客原是鳳凰身  
千載傳聞丹穴響  
五文濯出錦江雲  
歷相九州君  
方朔去風骨選峨岷  
寵遇

若終臨武眷功名不過絳州軍  
能事絕詩人

出將入相子儀

私享之物也能如太白之詩千載得而有之哉

又

江漢碧東激石城瀾  
白水英風雄却敵  
夷門高節老陪驂  
景道眼苒難

為將當有怯時即黃鶴樓閣筆之謂也

空決皆二

水與三山笑倚天門凌帝座醉鞭龍翅躡鵬翰八  
極自追攀

又

環女堞古寺倚臺傾畫壁久蕪東晉筆講堂猶說  
永和文疊獻長桐孫 金粟客還訪後身名南去

青山雲百里西來采石月三更落日見諸陵

臺居瓦  
官寺南

畫壁講堂瓦  
官寺事也

七夕 夜合花

斗柄西傾天津南下奇雲染鬪眉山月中兒女簾

櫳擁玩冰盤窺燦爛擬爛斑秘天工欲乞緣慳一  
聲鳥鵲揀將餘巧擲與人間 天公老我痴頑忍  
使錦綾莫借白鳳難餐長生私語偷開朱雀看逢  
此會有追攀渡頭清露滴衿冠世間針線倩齊向  
我心孔穿鑽

藥括朱穆傳注與劉伯宗絕交書併詩

沁園春

我昔令豐足下毋憂縲經苒來及我為侍書曾親  
至止今二千石以吏相排颯既非丞郎仍非部不  
記親來御史臺咄劉伯宗於仁義道何其薄哉

北山有鳥全猜其名曰鷓鴣颺寢乖但饑則木攬  
填腸臭腐飽則泥伏饕餮難裁向鳳長呼謂鳳無  
德鳳所趨兮豈子儕請從此訣各自努力無復徘徊

又括蔡邕正交論所以廣朱穆之不宜絕交

者 沁園春

古頌嚶鳴衰刺谷風交態紛拏在孔子有云宜敦  
親愛穀梁亦曰茂著名譽意主黜邪法寧擇正嘉  
穀為粢孰可鋤今日廢交而獨稷焉黍其愆乎

人情用處偏枯括二論相衡而較諸則刺薄之情  
博而寡要斷交之利貞以無徒雖則無徒未嘗失  
節詩美羔羊不可辜如不獲已而矯時也走請從  
孤

分明枉結信宿三迂正交云乎哉然曰走請  
從孤則於朱意乃有未可以解者因復竄

易前詞 沁園春

出入師門執政猶然外索形骸况平陽給食何分  
几案灌夫行酒不滿樽壘一彼一此封疆之志逆



旅傳餐得幾回咄劉伯宗於仁義道何其薄哉  
莫嫌批引根芟肯兩板門因剝啄開記北海盛歎  
山陽名實山陽亦道北海奇才巨瓠徒堅大鑪不  
售今者相違事豈該門前舊客再無觸我烏鵲驚  
猜

又

五鼎寧烹七尺可無三事須階看君嗣猷倦都門  
供帳淵源搔首征虜亭臺雖挽不回曾推不去車  
軌聲中忽草萊人生世上功名富貴可忽乎哉

分明擇取良材楚、何因帶茨栽至任安獨在將  
軍始感灌夫不去衆客爭排豐沛租蕪南陽第毀  
千古交情一釣臺門前舊客再無觸我烏鵲驚猜

咏柳梢柔浪

一剪梅

無限春光映小桃眼又相拋手又相招留仙牽鵝  
苗裙腰金縷衣嬌金鳳釵搖 曾記相思在灞橋  
欲繫蘭橈反送蘭橈棲烏浴盡淡黃銷風莫飄、  
雨莫蕭、

閨情

臨江仙

描就鴛鴦雖是筆原來一樣雄雌闌干倚得暈銷  
時針情線意兀的沒尋思 樓上月明聞燕語有  
人未脫羅衣今朝卻自起來遲佯推鸚鵡曉語隔  
罌罌

和吳朗人 望江南

纏縛繭也自拉成弦花徑春醪常不繼桐梢墜露  
晚猶甜鶯燕敘芳年 浮幻世誰與狠為緣苦念  
衆生煩示病偶齊萬物得游仙奪此與伊偏 時朗人  
病起

又次吳玉照韻 山花子

紫綺鬢、看度驕有人笑待十三樓忍把青、渾  
漫付鬢邊休 痴漢盃中烏有物迂儒頭上百忙  
憂不是文殊誰解問病根由

用前韻渡江而東 山花子

一舸如風抹紫騮浪巔一遞幾城樓記打勞、亭  
下過且休、 投壁付之蛟自喜解環與我女偏  
憂直有燃犀深夜事悔無由

又

隔岬聞嘶認紫騮家、水際起紅樓此輩風光應

有分與君休 赤鯉有時還自困白鷗直是不擔  
憂畢竟浮沉俱不碍這因由

又

為遁幽人強繫驢卧看涼雨下僧樓約略一番塵  
土味暫時休 可待睡方纔擇夢縱無酒也會忘  
憂此際情思渾不記豈他由

又

牝牡難評驥與騮主人豈合卧高樓我却愛茲湖  
海氣未云休 龍象逼來看蹴踏珠纓施盡釋煩

憂一笑同升獅子座五千由

又

可揅金鞍擲紫騮逢人便上謫仙樓直到一錢無  
覓處却教休 我自還君三日醒君須寬我百年  
憂又道惺然無一事没來由

吳東春晚

山花子

飯顆山頭飯熟遲主人愁飽客愁飢却坐不知官  
長貴好題詩 損米無多猶有待乞漿重至不如  
期滿耳杜鵑婆子舌直言歸

金明池 山花子

舉動天然人言踈慢我但覺其嫵媚體安者深學  
益者淺塵世何能有二恨無城國與相傾一再願  
領取無言幽思恠底賞心難漫云天下多美人何  
必是君試無虛名下士且信近人之物非其至  
迴風馭雲旗獨徃夕秀謝朝華重啟一番驚艷洗  
溟濛但未免有情談何容易笑我見猶憐送來具  
眼獨許英雄同耳

宣城愁况

醜奴兒

敬亭山下初晴路日落相思月出相思送上孤舟  
雨又迷離竒踪跡窮竒數沒有心機怎得心機  
暈碧裁紅料理伊

又

吳王妃上臨安路且復躊躇落得躊躇步、輕柔  
讓綠蕪瑶姬忽降高堂兩山影何孤鬢影何孤  
歸袖裊襠濕臂珠

又

一杯試共斜陽語人卧船頭山繞船頭極目離人

未下樓 綠陽津畔含風急天遠芳洲人近芳洲  
共得漁燈一點愁

又 菩薩蠻

宛溪回接雙橋水幾回照見青蓮醉裏挽垂楊  
詩仙要斷腸 無言回首去廟舖前頭雨不早不  
昏昔行遲住又遲

又

沅湘直下三千里中間平布離愁去莫起晚風吹  
風帆錯亂飛 蘼蕪相待返早理桃花怨蔗味始

嘗稍從容柰伯勞

又 生查子

鷓鴣雙也自啼燕寡能無訴白浪高于山我打山頭  
去 指點舊船窻沉沒新洲浦歸守玉蘭花門掩

東風雨

又

船窻玉貌人金鎖瓊仙友何日嫁邯鄲一試崑崙  
手 山頭寒食花水面漁磯柳極目眩睛江愁殢  
潯陽酒

又 武陵春

寶鏡蟠龍三五月意欲取團圓  
先把清光照玉顏  
着我在窻間 何物能酬心宛轉  
白玉一雙環  
此處知君定不凡欲解恨無端

癸酉花朝過訪周武夷山中武夷僕立于門

曰吾昨夢君之至也

定風波

栩々同遊戲蝶叢起尋芳草得從容  
直恐足音空  
谷少一笑人生真個夢魂中  
明月松間生滿照  
知道一年不得酒盃同醉問梁州  
何日到又早計

程詩句倩東風

昔將注豫章也

湖口阻風

浣溪紗

江上青山々上城々頭浪復擁山形  
分明滿目未能平  
春草去尋何處望亂峰來逼此時情  
估人船上誦詩聲

又

拂石臨流坐復行無端撓我濯纓清  
去尋何處破愁城  
西日不收江別渚南風便送鴈歸程  
孤山小大兩無情

江上與吳玉照別

浣溪紗

有限年華無限嗟無窮風雨有窮花又從醉後問  
天涯命筭好昔偏不驗夢逢凶處定非差片帆  
西去是吾家

又

君不夷猶日欲晡滄浪清到至今無閱人還問白  
鬢漁殘霓截回策上兩群鷗爭去網中魚孤蓬  
此去供觀書

望湖亭清明風雨

浣溪紗

窄袖衫兒畏曉寒倚闌陡作汗瀰漫杏花僂憊兩  
三番樓閣遠憐行客住風雷虛但去船還數峰  
殘濕照湖南

用辛稼軒韻

浣溪紗

好趁春蕪佈恨勻湖烟苦簇亂山顰梨花吹盡雪  
衣塵十字街頭泥汙客三層樓上燕嘲人河豚  
荻笋過昔新

又

強起天桃拂面勻柳懷寒食向江顰浪花高似陌

頭塵 樂地放流多感客愁關苛歛遠行人舊弄  
僧處種松新

何日 浣溪紗

海底牢牽鐵網絲井中又着上天梯愁看弱絮誤  
沾泥 帝里每年迎織女漢家何日贖文姬杜鵑  
相背哭棠梨

江南愁思集杜牧之句十四首

浣溪紗

牧之愁思舊在江南從身到處一為擬託覺先得我心不復有  
竄合之迹可知詩詞衍亂情為之種所以古今詞人之口無有  
工于男女之際者離騷之君臣蘇李  
之朋友皆托夫婦而為言旨矣哉

不見東風二月昔宛溪垂柳最長枝鴛鴦相對浴  
紅衣 重到笙歌分散地梧桐葉落鴈初歸溪邊  
殘照雨霏霏

又

夢裡曾經與畫眉倚風情態被春迷祇應圖畫最  
相宜 芝蓋不來雲杳杳楚鄉寒食橘花昔東流  
玄髮更無期

又

自恨尋芳到已遲一年春盡送春昔水紋如縠燕



差池 千里雲山何處是鳳  
酣簫管玉聲微滿池  
春雨鷓鴣飛

又

千首詩輕萬戶侯酒盃無日不遲留  
南陽水面浸悠悠  
塵世難逢開口笑放歌曾作昔年遊  
幾人襟韻一生休

又

千里鶯啼綠映紅參差烟樹五湖東  
碧雲天外作冥鴻  
正是客心孤迥處  
舫船一棹百分空  
隔江

吹笛月明中

又

帶葉梨花獨送春風迴公子玉銜聲  
楚腰腸斷掌中輕  
景物登臨閒始見  
昔年遺恨至今存  
故鄉七十五長亭

又

贏得青樓薄倖名繁華事散逐香塵  
落花猶似墜樓人  
惟有別昔今  
不忘半溪山水碧  
羅新北軒欄檻最留情

又

秋盡江南草木凋滿江寒雨正蕭騷主人窓外有  
芭蕉紅燭短昔羌笛怨青山隱々水迢々玉人  
何處教吹簫

又

才子風流詠曉霞紫雲樓下醉江花碧池新漲浴  
嬌鴉銀鑰却收金鎖合倚樓吟住口初斜烟籠  
寒水月籠沙

又

繡鞅瓊瓏走鈿車宣城又見杜鵑花連雲芳樹且  
初斜何事明朝獨惆悵三春三月憶三巴世間  
名利等塵沙

又

天漢東穿白玉京暖雲如粉草如茵纈衣簾裏動  
香塵清禁漏閒烟樹寂月明花落又黃昏可知  
惆悵有閒人

又

一笛橫吹出塞愁江南為客正悲秋誰家紅袖凭

江樓 欲寄相思千里夢水雲蹤跡去悠々萬山  
深處一孤舟

又

獨步長堤不見人苦吟林下拂詩塵烟籠隋苑暮  
鐘聲 牛渚磯南謝山北微陽澌々落寒汀水如  
環珮月如襟

又

月過西樓桂燭殘仙舟何處水潺々杏花昔節在  
江南 獨倚關亭還把酒玉簫瑤瑟夜珊珊向來

離思始知難

小樓初豎纜覆新瓦數簷移至海棠一樹立  
於砌下起手植之忽天半沙鳴灘碎烟雨  
迫暮靄黛暝朦肩帽漸漉遂援火就照而  
侑以此詞不憂屋倒憂花落僕之誦矣

花

雨

何處行歸緩々茅屋牽羅日暮須急信紅香逗襪  
两三程早是矜持不起来路悔無相覓盼煌々燈  
火欲上堂階先俛巾幘 南塘新瓦淡碧岵嶢點

出隔江山色瀑碎與珠跳此聽十年方得汝便今  
宵有分且共沾衣教濕扶頭卯酒襯腰金步取次  
明日

水軒 臨江仙

困落手編驚復醒靈風濯過芙蓉鴛紅鷗白闥裙  
襦自知吾喪我誰見德生子 是妙都從遊戲得  
可憐曼倩迂踈上前出語襟嘲諛輻排三十六吾  
只用其無

又

一飯之恩嗔眦怨能無計較分明仇吾者喜愛吾  
嗔蕪羹三盃粥廣武一杯羹 人有恩于公子者  
願公子莫忘情豈無公子德于人願忘公子德勿  
頸報侯羸

別李道瞿曠園

賀新郎

綠暗思牽繞况復吾曹窮作別水烟綿淼門外青  
來時路緩與同尋芳草筭未抵灞陵春早二十五  
絃忙倚和却無端指點新豐道歌不徹罷談笑  
人言白髮衰時到只侵尋短長亭畔何曾無老澤

維生涯飢渴外盼：虛名昏曉誰與住停雲過鳥  
挈我平生胸次出外孰非君氣凌蒼昊明月上瓦  
盆燥

董思白先生餅中水仙

離亭燕

花石捐除不供筆墨拋翻不用侍史拂銀鬢忘紀  
青衫輕重一卷昭陵護送幾軸遠夷朝貢潤筆  
不嫌無仍倒先生金甕

失題

漢宮春

杜宇聲：是喚君留客喚我當歸芳菲無生開落

馬首薔薇萋：莫：正爾時陟彼崔嵬還耐得文  
園雖瘦凌雲詞賦歲蕤 鎮日東風吹雨便西風  
纔轉雨又霏微冥：烟浪為我日到淮淝湘靈何  
在愁數峰青沒因依應不忘冷陶寒具南樓吹笛  
人飢

歸鴻

蝶恋花

澗閣西邊天遠近嘹响聯翩一夜歸鴻盡風掣袂  
箏愁隱應雲邊未斷淒涼影 明日春歸無物剩  
白鳥飛：去與青山映萬里塞垣迷麥畛江南秋

種花間浸

白下送朱清瑟還合肥

沁園春

千丈虹蜺萬頃雲濤護君此行甚朱輪皂蓋不相  
扳附珠歌瓊舞翻令愁成晞髮陽阿濯纓清水一  
陣西風雁鷺聲今秋月令姮娥冷淡桂子凋零  
君言射虎屠鯨豈我所思今直等倫比青雲道上  
何人不走綠莎廳事有便須登彈指三年置身霄  
漢方識英雄別有心休嗤我但持杯潦倒出語縱  
橫

州城破後樓上送朱微之往江上

清平樂

小樓殘卧驚視城頭火一夜人烟無處所何處乾  
坤爾我清平萬里無塵等閒作戲成真求欲為  
農不得烟波此去誰親

樓上晚晴

清平樂

層陰萬里人在沉潭底頃刻飛身天外倚雲日江  
山新洗殘霞遠帶輕舟亂蟬群起中流盆內金  
漿似水天邊璧月懸鉤

又

慢螢求出不識何從入更有蜻蜓窺盡燭竹裡飛  
來撲簌採蓮人換衣回夜深尚响殘雷枕簟悠  
哉鄴架夢魂疎矣陽臺



